

ACTA

Expediente nº:	Órgano Colexiado:
JGL/2023/16	A Xunta de Goberno Local

DATOS DE CELEBRACIÓN DA SESIÓN

Tipo Convocatoria	Ordinaria
Data	20 de abril de 2023
Duración	Dende as 13:12 ata as 13:48 horas
Lugar	Sala de Reunións
Presidida por	Manuel Cuiña Fernández
Secretaria	Déborah García Suárez
Interventor	Leopoldo Moure Dopico

ASISTENCIA A SESIÓN

Nome e Apellidos	Asiste
Angela Troitiño Gil	NON
Antonio Ferro Losada	SÍ
Jesús Taboada Lázara	SÍ
Mónica González Conde	SÍ

Unha vez verificada pola Secretaria a válida constitución do órgano, o Presidente abre sesión, procedendo a deliberación sobre os asuntos incluídos na Orden do Día

A) PARTE RESOLUTIVA

Aprobación da acta da sesión anterior: 13.04.2023

Favorable

Tipo de votación: Unanimidade/Asentimento

A Xunta de Goberno Local, por unanimidade, acorda prestar aprobación á seguinte Acta: - 13 de abril de 2023.

Concello de Silleda

Rúa do Trasdeza, 55, Silleda. 36540 (Pontevedra). Tfno. 986580000. Fax: 986581021



Expediente 796/2020. Convenio con BAIUCA VERDESCENTE, programa 'A miña horta, é a túa'

Favorable

Tipo de votación: Unanimidade/Asentimento

Visto o informe da educadora social, con data 16 de marzo de 2023, no que se indica a necesidade de actuacións na área da asistencia alimentaria a prol das familias máis vulnerables do noso municipio.

Visto memorándum da iniciativa para este ano 2023.

Vista a Ordenanza Xeral de Subvencións do Concello de Silleda.

Vista a aprobación inicial do Plan Estratéxico de Subvencións nominativas, para este ano 2023, con data 26 de xaneiro de 2023.

Visto o informe de nominativas, con data 16 de marzo de 2023.

Visto o informe de intervención, con data 13 de abril de 2023.

Visto o texto do convenio de colaboración entre o Concello de Silleda e AFAPO para este ano 2023:

CONVENIO REGULADOR

En Silleda, a na data das sinaturas electrónicas

REÚNENSE

Dunha parte:

D. Manuel Cuíña Fernández, en calidade de Alcalde-Presidente do Excmo. Concello de Silleda.

Doutra:

DONA NIEVES LÓPEZ – NEIRA DE LA TORRE, maior de idade, provista do DNI núm. 33272848-J, en nome e representación e na súa condición de Presidenta da FUNDACIÓN BAIUCA VERDESCENTE, con CIF G70542113 e domicilio social na C/ Alfredo Brañas, núm. 6, Escl. B, 1º C, C.P. 15701, Santiago de Compostela, constituída por tempo indefinido en escritura pública outorgada ante o notario das Palmas de Gran Canaria, D. Francisco Barrios Fernández, o 13 de outubro de 2017, co número 1636 do seu protocolo, e recoñecida e clasificada como fundación de interese galego mediante Resolución da Secretaría Xeral Técnica da Consellería de Cultura, Educación e Ordenación Universitaria, de data 12 de abril de 2018 e publicada no DOG nº 77 de 20 de abril de 2018, constando inscrita no Rexistro de Fundacións de Interese Galego co número 2018/7.

EXPOÑEN

Primeiro.- Finalidade e obxectivos.

O CONCELLO DE SILLEDA, e a FUNDACIÓN BAIUCA VERDESCENTE, presentan fins comúns e desexan colaborar, conforme ás súas posibilidades, na promoción, organización, desenvolvemento e execución de



diversas accións solidarias dirixidas a paliar as graves e previsibles consecuencias derivadas da crise do COVID – 19 no Concello de Silleda, decidindo formalizar o presente Convenio de colaboración sobre a base das seguintes estipulacións.

Segundo.- Descrición do proxecto.

O proxecto consiste na posta en funcionamento do Proxecto Solidario “A MIÑA HORTA É A TÚA”, destinado á creación dunha rede solidaria de voluntarios no Concello de Silleda para mobilizar excedentes agrícolas e gandeiros das granxas particulares e destinalos a familias con baixos recursos ou persoas con mobilidade reducida ou con dificultades de acceso. O Proxecto solidario “A miña horta é a túa” pertence ao Programa de Agricultura Social Sostible creado e xestionado pola Fundación Baiuca Verdescente.

Terceiro.- Financiamento.

1.000 euros aportados polo Concello de Silleda con cargo á aplicación 231-48.

Cuarto.- Competencias municipais.

De conformidade co artigo 80.2.k da Lei 5/1997, de 22 de xullo, de Administración Local de Galicia os municipios exercerán en todo caso como propias, nos termos establecidos pola lexislación estatal e autonómica, competencias en materia de prestación de servizos sociais e promoción e reinserción sociais.

Asimesmo, de acordo coa disposición adicional 1ª da Lei 5/2014 de Galicia, de 27 de maio, de medidas urxentes derivadas da entrada en vigor da Lei 27/2013, de 27 de decembro, de racionalización e sostenibilidade da Administración local:

“Las competencias atribuidas a las entidades locales por la legislación autonómica anterior a la entrada en vigor de la Ley 27/2013, de 27 de diciembre, de racionalización y sostenibilidad de la Administración local, continuarán ejerciéndolas ellas, rigiéndose por la indicada legislación o, en su caso, por el derecho estatal aplicable como supletorio, sin perjuicio de lo dispuesto en las disposiciones adicionales cuarta y quinta sobre la asunción por la Comunidad Autónoma de las competencias relativas a la educación, salud y servicios sociales”.

O que se completa, na citada adicional cuarta, apartado 1º:

“Las competencias que debe asumir la Administración de la Comunidad Autónoma de Galicia en materia de educación, salud y servicios sociales en cumplimiento de las disposiciones de la Ley 27/2013, de racionalización y sostenibilidad de la Administración local, continuarán siendo prestadas por los municipios en tanto no se den las condiciones previstas para su traspaso en la normativa básica y, en particular, el establecimiento del nuevo sistema de financiación autonómica y de las haciendas locales previsto en la misma.”

Quinto.- Natureza.

O presente convenio ten natureza de convenio entre administracións públicas e suxeitos de dereito privado de conformidade co apartado 47.2 c) de la Lei 40/2015 e realízase ao amparo da mesma

Sexto.- Necesidade e oportunidade.

A decisión de abordar o proxecto se deriva das necesidades derivadas da crise causada polo COVID 19 as que se fai referencia no apartado primeiro.

Séptimo.- Interpretación.



As dúbidas relacionadas co contido deste convenio serán interpretadas pola comisión de control regulada na cláusula cuarta.

Así pois, de conformidade co anteriormente exposto, as partes acordan subscribir o presente convenio, que se rexerá polas seguintes cláusulas:

CLÁUSULAS

1.- Obxecto do convenio e actuacións a realizar por cada suxeito (art. 49.c) Lei 40/2015).

O presente convenio ten por obxecto articular a colaboración entre o Excmo. Concello de Silleda e a Fundación Baiuca Verdescente para a posta en funcionamento do Proxecto Solidario "A MIÑA HORTA É A TÚA", destinado á creación dunha rede solidaria de voluntarios no Concello de Silleda para mobilizar excedentes agrícolas e gandeiros das granxas particulares e destinalos a familias con baixos recursos ou persoas con mobilidade reducida ou con dificultades de acceso. O Proxecto solidario "A miña horta é a túa" pertence ao Programa de Agricultura Social Sostible creado e xestionado pola Fundación Baiuca Verdescente.

2.- Obrigacións e compromisos económicos (art. 49 d) Lei 40/2015) O Concello aportará 1.000 euros con cargo á aplicación 231-48.

3.-Consecuencias por incumprimentos das obrigas e compromisos asumidas polas partes (art. 49 e) de la Lei 40/2015).

O incumprimento por parte de calquera das partes das súas obrigas dará lugar la correspondente indemnización, sen prexuízo da posible resolución do mesmo de acordo co establecido na cláusula sétima.

4.- Mecanismos de seguemento, vixilancia e control de execución do convenio e dos compromisos adquiridos (art. 49 f) de la Lei 40/2015).

O seguimento, vixilancia e control de execución do convenio e dos compromisos adquiridos se realizará pola comisión de control de acordo co seguinte:

a)Esta comisión será o canle para a cooperación entre as partes asinantes e para a resolución dos problemas de interpretación e seguimento e control da execución do convenio e de cumprimento dos compromisos asumidos.

b)A comisión de control terá a seguinte composición:

Presidente: representante do Concello de Silleda Secretario: 1 funcionario

Vocais: 1 representante do Concello de Silleda e 1 representante da FUNDACIÓN BAIUCA VERDESCENTE

c)Forma de adopción de acordos:

Os acordos adoptaranse por maioría simple.

5.- Réxime de modificación do convenio (art. 49.g) da Lei 40/2015).

A modificación do convenio requirirá acordo unánime das partes asinantes. 6.- Prazo de vixencia do convenio (art. 49.h) da Lei 40/2015).

O convenio estará vixente dende a súa sinatura ata o 31 de decembro de 2022, os gastos realizaranse ata o 15 de outubro de 2022.



7.- Extinción (art. 51 de la Lei 40/2015).

O presente convenio extinguirase polo cumprimento das actuacións que constitúen o seu obxecto ou por incorrer en causa de resolución.

Serán causas de resolución:

- O transcurso do prazo de vixencia sen acordarse a prórroga do mesmo.
- O acordo unánime de todas as partes.
- O incumprimento das obrigas e compromisos asumidos por algunha das partes.
- Por decisión xudicial declaratoria de nulidade .
- Calquera outra prevista nas leis.

8.- Efectos da resolución do convenio (art. 52 de la Lei 40/2015).

Cumprido ou resolto o convenio, levarase a cabo a súa liquidación co obxecto de determinar o cumprimento das obrigas e compromisos de cada unha das partes.

Corresponde ao Concello de Silleda elaborar e aprobar a liquidación do convenio. As cantidades resultantes da liquidación deberán aboarse no prazo dun mes.

Cando a extinción veña causada polo incumprimento dunha das partes esta deberá indemnizar ás restantes o dano causado.

9.- Obrigación de colaboración das partes.

As partes obríganse a colaborar no que fose necesario e a actuar de boa fe nas súas relacións recíprocas no que atinxe á execución do presente convenio.

10.- Regulación das subvencións concedidas.

10.1 Obrigas dos beneficiarios.

Son obrigas dos beneficiarios:

- Realizar as actividades que fundamentaron a concesión da subvención e acreditar a súa realización.
- Sinalar na publicidade que a actividade conta co financiamento do Concello de Silleda.
- Asumir todas as responsabilidades legais e civís das actividades que realicen.
- Comunicar ao Concello a concesión de subvencións de calquera entidade pública ou privada. O incumprimento desta obriga pode dar lugar ás esixencias das responsabilidades que determine a lexislación vixente.
- Destinar a subvención exclusivamente aos fins que foi concedida, quedando expresamente prohibida calquera alteración de destino non autorizada.
- O sometemento ás actuacións de comprobación do concello da efectiva realización das actividades para as que foi concedida a subvención.
- Facilitar canta información sexa requirida polo Concello ou polo Tribunal de Contas.
- Estar ao corrente das súas obrigas fiscais e coa seguridade social.
- As restantes establecidas pola normativa reguladora de subvencións.

10.2 Gastos subvencionables.

Considéranse gastos subvencionables aqueles de natureza corrente inherentes ao funcionamento da actividade prevista.

O importe da subvención non poderá superar o 100% do custo previsto das actividades programadas, sen que



en ningún caso, por sí mesma ou en concorrencia con outras subvencións ou axudas, supere o custo efectivo da actividade desenvolta.

Só se considerarán gastos subvencionables a efectos de xustificación da subvención concedida aqueles que cumpran os requisitos do artigo 31 da Lei Xeral de Subvencións, excluíndose a adquisición de bens inventariables (mobiliario, equipamento, etc.).

Se da xustificación presentada polo beneficiario se deduce que o importe subvencionado supera esta porcentaxe, procederase á redución proporcional do importe da subvención.

10.3 Anticipos.

Poderá solicitarse un anticipo a conta de ata o 50% do importe da subvención concedida.

10.4 Xustificación e pagamento.

Os beneficiarios deberán xustificar a aplicación da subvención como data límite antes do 30 de outubro de 2023, salvo que se solicitase antes do remate do antedito prazo e fose concedida prórroga, debendo no seu caso, motivarse a concesión da mesma.

A xustificación deberá incluír a seguinte documentación:

1º Conta xustificativa simplificada.

- Memoria.
- Relación clasificada de gastos.
- Detalle doutros ingresos ou subvencións.

2º Documentos acreditativos dos gastos realizados.

3º Declaracións e certificados.

A continuación detállase o contido dos distintos documentos.

1º Conta xustificativa simplificada.

A xustificación do cumprimento das condicións impostas e da consecución dos obxectivos previstos na concesión da subvención documentarase a través da rendición da conta xustificativa simplificada, que constitúe un acto obrigatorio do beneficiario, no que se deben incluír, baixo a responsabilidade do declarante, os xustificantes do gasto ou calquera outro documento con validez xurídica que permita acreditar o cumprimento do obxectivo da subvención.

De conformidade co artigo 75 do DECRETO 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia esta presentase co seguinte contido:

- a) Unha memoria de actuación xustificativa do cumprimento das condicións impostas na concesión da subvención, con indicación das actividades realizadas e dos resultados obtidos, así como acreditar, de ser o caso, o disposto no artigo 29.3º da Lei de subvencións de Galicia.
- b) Unha relación clasificada dos gastos e investimentos da actividade, con identificación do acredor e do documento, o seu importe, a data de emisión e a data de pagamento. No caso de que a subvención se outorgue de acordo cun orzamento estimado, indicaranse as desviacións producidas.
- c) Un detalle doutros ingresos ou subvencións que financiasen a actividade subvencionada, con indicación do importe e a súa procedencia.



d) Se é o caso, carta de pagamento de reintegro no suposto de remanentes non aplicados, así como dos xuros derivados destes.

2º Documentos acreditativos dos gastos realizados.

1.- Os gastos en bens e servizos acreditaranse mediante facturas regulamentarias (con todos os requisitos esixidos polo R.D. 1496/2003) ou documentos do valor probatorio equivalente no tráfico mercantil. Poderán presentarse orixinais ou fotocopias compulsadas.

A presentación de copias compulsadas seguirá o seguinte procedemento: 1º. A factura orixinal será compulsada no Concello xestor.

2º. No momento da compulsa o funcionario encargado da mesma realizará a correspondente dilixencia, que constará en ambos documentos (na factura orixinal e na copia).

3º. Poderase incluír na dilixencia un importe inferior ao total da factura, co obxecto de que parte da mesma xustifique esta subvención e o importe restante se use para xustificar outras subvencións.

As facturas deberán emitirse a nome da asociación e cumprir os requisitos establecidos no Real Decreto 1.496/2003 polo que se regulan as obrigacións de facturación.

2.- Os gastos de persoal acreditaranse mediante nóminas e os correspondentes TC- 1 e TC-2 acreditativos de cotización á seguridade social.

A xustificación da subvención incluírá en todo caso a acreditación do pago correspondente. Non se admitirán pagos en efectivo por importe superior a 1.000 euros.

Só se admitirán xustificantes relativos a gastos necesarios para a realización da actividade subvencionada, consonte o expresado na memoria descritiva e no presente convenio.

En ningún caso se admitirán como xustificantes de gastos:

- Facturas onde non consten claramente os conceptos obxecto da subvención.
- Facturas que conteñan conceptos non subvencionables (aínda que dentro das mesmas consten conceptos subvencionables).
- Facturas que non veñan presentadas en tempo e forma.
- As cantidades satisfeitas aos Concellos por calquera concepto.
- Os gastos de desprazamento de voluntarios deberán contar co visto e prace do Concello de Silleda.

3º. Declaracións e certificados.

-Declaración responsable de non ter recibido outras axudas.

-Declaración responsable de non estar incurso en ningunha das causas que determina o artigo 13.2 da Lei 38/2003, de 17 de novembro, Xeral de Subvencións. - Certificados de estar ao corrente das obrigas coa seguridade social e das obrigas tributarias coas administracións autonómica, estatal e co concello de Silleda.

No caso de que a documentación xustificativa fose incorrecta ou insuficiente, darase un prazo de dez días para a súa corrección.

O importe da subvención reducirase proporcionalmente aos gastos non xustificadas correctamente.

O pago da subvención efectuarase mediante ingreso na conta sinalada na xustificación.

10.5 Reintegro de subvencións.

Procederá o reintegro do total ou parte das cantidades percibidas desde o momento do pago da subvención,



nos casos previstos nos artigos 36 e 37 da Lei 38/2003, Xeral de Subvencións.

10.6 Réxime sancionador.

Os beneficiarios das subvencións quedarán sometidos ás responsabilidades e réxime sancionador establecido nos capítulos I e II do título IV da Lei 38/2003, Xeral de Subvencións, e no artigo 40 do Real Decreto Lexislativo 2/2004, do 5 de marzo, polo que se aproba o Texto

11.- Protección de datos de carácter persoal.

O réxime de protección de datos de carácter persoal aplicable ao presente convenio será o previsto na Lei Orgánica 3/2018, de 5 de decembro, de Protección de Datos Persoais e garantía dos dereitos dixitais.

Cada parte comprométese a solicitar, sempre que fora necesario, o consentimento dos afectados para a cesión de datos nos termos recollidos na lexislación anteriormente citada.

Neste sentido, as partes comprométese a tratar os datos que lles sexan proporcionados conforme ás instrucións de quen llos proporcione, a non aplicalos nin utilzalos con finalidades distintas ás necesarias para o cumprimento do obxecto do presente convenio e a non comunicalos nin cedelos a terceiros, nin sequera para súa conservación, garantindo que observarán as medidas legalmente previstas que garanten a seguridade dos datos de carácter persoal tratados, evitando a súa alteración, perda, tratamento e/ou acceso non autorizado.

12.- Réxime xurídico.

O presente convenio ten natureza administrativa conforme ao disposto no Capítulo VI do Título Preliminar da Lei 40/2015 de Réxime xurídico do Sector Público.

As cuestións litixiosas que xurdan entre as partes na execución do convenio e que non poidan ser resoltas na Comisión de seguemento prevista na cláusula 4, se someterán a xurisdición contencioso-administrativa, conforme ao disposto na Lei 29/1998, de 13 de xullo, Reguladora da Xurisdición Contencioso-Administrativa.

Para todo o non previsto no presente convenio será de aplicación a Lei 40/2015 de Réxime xurídico do Sector Público, así como calquera outra disposición que poidera resultar de aplicación.

As aportacións realizadas polos Concellos rexiranse pola normativa reguladora das subvencións públicas, sendo de aplicación en todo caso as seguintes:

- Lei 38/2003, de 17 de novembro, Xeral de Subvencións
- Lei 9/2007, de 13 de xuño, de subvencións de Galicia
- Real Decreto 887/2006, de 21 de xullo, polo que se aproba o Regulamento da Lei 38/2003, de 17 de novembro, Xeral de Subvencións
- Decreto 11/2009, de 8 de xaneiro, polo que se aproba o Regulamento da Lei 9/2007, de 13 de xuño, de subvencións de Galicia.

En proba de conformidade, formalízase e firman o presente convenio, no lugar e data indicados no encabezamento.

Asdo.: Nieves López Neira-de la Torre	Asdo: Manuel Cuíña Fernández	Asdo: Deborah García Suárez
Presidenta da Fundación	Alcalde – Presidente	Secretaria
Baiuca Verdescente.	Excmo. Concello de Silleda	Concello de Silleda

Polo exposto, a Xunta de Goberno Local , ao abeiro das atribucións delegadas polo Alcalde na resolución do 20 de xuño de 2019, e visto o disposto na Ordenanza Reguladora da presente axuda,



ACORDA:

Primeiro.- Aprobar o Convenio regulador transcrito anteriormente coa Fundación Baiuca Verdescente.

Segundo.- Aprobar o abono de 1.000 € á citada Fundación para o desenvolvemento do programa.

Terceiro.- Dar conta desta resolución no próximo Pleno da Corporación que se celebre.

Expediente 703/2023. Subvencións Directas ou Nominativas. Convenio de Colaboración entre o Concello de Silleda e a Fundación do Campo Galego para o ano 2023

Favorable

Tipo de votación: Unanimidade/Asentimento

Vista a labor de difusión e promoción que realiza a Fundación do Campo Galego

Visto o programa presentado pola entidade para 2023 ca inclusión de visitas didácticas de escolares e a promoción do municipio de Silleda dende o punto de vista turístico, patrimonial e etnográfico.

Visto que dita subvención nominativa foi publicada no BOP de Pontevedra nº33 do 16 de febreiro de 2023 no anexo de subvencións nominativas.

Visto que transcurrido o prazo de 15 días da aprobación inicial non se presentaron alegacións e o acordo se aprobou definitivamente.

Visto o informe favorable da funcionaria do departamento municipal de Cultura, Turismo, Deporte e Comunicación

Visto o informe de Intervención que obra no expediente.

Visto o convenio proposto que se transcribe a continuación:

CONVENIO DE COLABORACION ENTRE O CONCELLO DE SILLEDA E A FUNDACIÓN DO CAMPO GALEGO

En Silleda, á data da sinatura electrónica

Dunha parte, D. **Manuel Cuíña Fernández**, actuando como Alcalde-Presidente no seu nome e representación do **Concello de Silleda**, con CIF 3605200-I

Doutra parte, **Luis Seoane Labandeira**, con DNI 33223286Q, como representante legal e en calidade de Presidente da **Fundación do Campo Galego**, con CIF G-94165255.

Dando fe do acto, a Secretaria Xeral da Corporación, Déborah García Suárez

As partes se recoñecen a capacidade xurídica necesaria para subscribir o presente convenio e

EXPOÑEN:

Concello de Silleda

Rúa do Trasdeza, 55, Silleda. 36540 (Pontevedra). Tfno. 986580000. Fax: 986581021



Primeiro.- Finalidade e obxectivos.

O Museo do Campo Galego inaugurado a finais do 2019, ubicado no Recinto Feiral de Silleda, é o primeiro da comunidade galega adicado en exclusiva á historia do campo e a mecanización. Conta con máis de 4.400 metros cadrados e atrae unhas 25.000 visitas anuais ó municipio.

A Fundación do Museo Galego está formada por un equipo de persoas que teñen un mesmo interese común: a posta en valor da historia agrícola e gandería galega, así como a súa cultura.

A Fundación do Campo Galego fíxose grazas a persoas que cederon os seus apeos, ferramentas clásicas, antigüidades e demais pezas relacionas co campo, dando así á creación do museo. O museo é unha homenaxe ás nosas orixes, a tódolos galegos e galegas que ó longo da súa historia viviron das súas terras e traballo. Nel móstrase a evolución do campo e a súa mecanización, agricultura e gandería.

O museo conta ademáis cunha tenda adicada a destacar a produtores galegos que expoñen os seus artigos e que o público poderá adquirir directamente no museo. Tamén conta con distintos espazos de aprendizaxe e actividades, como visitas guiadas, talleres...

Tendo en conta a repercusión a nivel cultural, así como a destacada labor que realiza no plano didáctico, a finalidade deste convenio é axudar á financiación dos custes que supoñan para a fundación a organización de actividades, así como a participación noutras iniciativas que puideran xurdir.

Segundo.- Financiamento.

O proxecto será financiado con cargo a partida 414-48 por importe de 12.000 euros (doce mil euros), tal e como consta no Anexo de Subvencións nominativas aprobado na sesión plenaria do 26 de xaneiro de 2023, e publicada no Boletín Oficial da Provincia (BOP) de Pontevedra de data 16 de febreiro de 2023

Terceiro.- Competencias municipais.

De conformidade cos artigos 25.2 da Lei 7/1985, de 2 de abril, reguladora das Bases do Réxime Local os municipios exercerán en todo caso como propias, nos termos establecidos pola lexislación estatal e autonómica, competencias en materia de promoción do deporte.

Cuarto.-Natureza

O presente convenio ten natureza de convenio entre administracións públicas e suxeitos de dereito privado de conformidade co apartado 47.2 c) de la Lei 40/2015 e se realiza ao amparo da mesma.

Quinto.- Necesidade y oportunidade.

Este convenio ten como obxectivo regular a subvención nominativa aprobada anexo de subvencións nominativas para 2023 con cargo á partida 414-48.

Sexto.-Interpretación.

As dúbidas relacionadas co contido deste convenio serán interpretadas polo Alcalde do Concello de Silleda.

Así pois, de conformidade co anteriormente exposto, as partes acordan subscribir o presente convenio, que se rexerá polas seguintes cláusulas:



CLÁUSULAS

1.- Obxecto do convenio e actuacións a realizar por cada suxeito (art. 49 c) Lei 40/2015)

O presente convenio ten por obxecto regular a colaboración entre o Concello de Silleda e a Fundación do Campo Galego, no ámbito da promoción e dinamización cultural.

2.- Obrigas e compromisos económicos asumidos polo concello (art. 49 d) Lei 40/2015)

Mediante o presente convenio de colaboración se acorda a aportación de 12.000 € con cargo ao orzamento do Concello de Silleda.

3.-Consecuencias por incumprimentos das obrigas e compromisos asumidas polas partes (art. 49 e) de la Lei 40/2015)

O incumprimento por parte de calquera das partes das súas obrigas dará lugar la correspondente indemnización, sen prexuízo da posible resolución do mesmo de acordo co establecido na cláusula sétima.

4.- Réxime de modificación do convenio (art. 49.g) da Lei 40/2015)

A modificación do convenio requirirá acordo unánime das partes firmantes.

5.- Prazo de vixencia do convenio (art. 49.h) da Lei 40/2015)

O convenio estará vixente dende a súa sinatura ata o 31 de decembro de 2023.

6.- Extinción (art.51 de la Lei 40/2015)

O presente convenio se extinguirá polo cumprimento das actuacións que constitúen o seu obxecto ou por incorrer en causa de resolución.

Serán causas de resolución:

- O transcurso do prazo de vixencia.
- O acordo unánime de todas as partes.
- O incumprimento das obrigas e compromisos asumidos por algunha das partes.
- Por decisión xudicial declaratoria de nulidade
- Calquera outra prevista nas leis.

7.- Efectos da resolución do convenio (art.52 de la Lei 40/2015)

Cando a extinción veña causada polo incumprimento dunha das partes esta deberá indemnizar ás restantes o dano causado.

8.- Obrigación de colaboración das partes.

As partes obríganse a colaborar no que fose necesario e a actuar de boa fe nas súas relacións recíprocas no que atinxe á execución do presente convenio.

9.-Obrigas do beneficiario.

Son obrigas do beneficiario:

- 1.- Realizar as actividades para as que se concede a subvención.
- 2.- Dar unha adecuada publicidade á actividade indicando que a actividade subvencionada conta co financiamento do Concello de Silleda.
- 3.- Xustificar perante o Concello de Silleda o cumprimento dos requisitos e condicións que sexan esixibles segundo a normativa aplicable, así como a realización das actividades para as que se concede a subvención.
- 4.- Someterse ás actuacións de comprobación e control que sexan requiridas polos órganos



municipais.

5.- Comunicar ao Concello de Silleda a obtención doutras subvencións, axudas, ingresos ou recursos que financien as actividades subvencionadas. Esta comunicación deberá efectuarse tan pronto como se coñeza e, en todo caso, antes da xustificación da aplicación dada aos fondos percibidos.

6.- Acreditar con anterioridade a dictarse a resolución de concesión que se encontra ao corrente do cumprimento das obrigas tributarias e fronte á Seguridade Social.

7.- Dispoñer dos libros contables, rexistros dilixenciados e demais documentos debidamente auditados nos termos esixidos pola lexislación mercantil e sectorial aplicable, ou no seu caso, os estados contables que garantiren o adecuado exercicio das facultades de comprobación e control.

8.- Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de control e comprobación.

9.- Proceder ao reintegro dos fondos públicos percibidos nos supostos contemplados no artigo 37 da Lei Xeral de Subvencións.

10.-Gastos subvencionables.

Considéranse gastos subvencionables aqueles que de maneira indubitada respondan á natureza da actividade subvencionada (definida na cláusula segunda deste convenio), e que se realicen no prazo establecido (dende o 16 de novembro de 2022 ata o 31 de decembro de 2023).

Segundo o establecido no artigo 31.2 da Lei 38/2003, Xeral de Subvencións, entenderase gasto realizado o que fose efectivamente pagado pola entidade beneficiaria da subvención con anterioridade á finalización de período de xustificación.

11. Xustificación.

A xustificación do cumprimento das condicións impostas e da consecución dos obxectivos previstos na concesión da subvención documentarase a través da rendición da conta xustificativa, que constitúe un acto obrigatorio do beneficiario, no que se deben incluír, baixo a responsabilidade do declarante, os xustificantes do gasto ou calquera outro documento con validez xurídica que permita acreditar o cumprimento do obxectivo da subvención.

Esta conta xustificativa deberá recoller:

1. Facturas reglamentarias (con todos os requisitos esixidos polo R.D. 1496/2003) ou documentos do valor probatorio equivalente no tráfico mercantil.
2. Unha memoria na que se declararán as actividades realizadas que foron financiadas coa subvención, e o seu custo, co desglose de cada un dos gastos nos que incorra.
3. Certificado asinado polo responsable da entidade beneficiaria de que a subvención se destinou aos mesmos fins para os que foi solicitada e concedida.
4. Certificados de estar ao corrente coas obrigas tributarias e coa Seguridade Social.
5. Certificado das subvencións e/ou concedidas para a mesma finalidade.

Nesta conta xustificativa deberá quedar suficientemente acreditado que os gastos subvencionados foron efectivamente pagados pola entidade beneficiaria.

Poderán presentarse ata dúas xustificacións parciais, ademais da xustificación final, sen posibilidade de prórroga.

12.-Publicidade.

O Concello de Silleda, terá a consideración de patrocinador institucional da Fundación do Campo Galego, podendo utilizar dita denominación, así como o seu logotipo, en calquera das accións de comunicación que realice en relación co presente patrocinio. Tamén por parte da entidade beneficiaria



se incluíra o logo do Concello de Silleda nos carteis, publicacións ou outro material promocional no que se den conta das actividades subvencionadas.

12.- Réxime xurídico

O presente convenio ten natureza administrativa conforme ao disposto no Capítulo VI do Título Preliminar da Lei 40/2015 de Réxime xurídico do Sector Público.

As cuestións litixiosas que xurdan entre as partes na execución do convenio e que non poidan ser resoltas na Comisión de seguemento prevista na cláusula 4, se someterán a xurisdición contencioso-administrativa, conforme ao disposto na Lei 29/1998, de 13 de xullo, Reguladora da Xurisdición Contencioso-Administrativa.

Para todo o non previsto no presente convenio será de aplicación a Lei 40/2015 de Réxime xurídico do Sector Público, así como calquera outra disposición que poidera resultar de aplicación.

As aportacións realizadas polos Concello se rexirán pola normativa reguladora das subvencións públicas.

En proba de conformidade, se formaliza e firma o presente convenio, en Silleda, á data da sinatura electrónica.

Luis Seoane Labandeira Presidente da Fundación do Campo Galego A Secretaria Déborah García Suárez	Manuel Cuiña Fernández Alcalde Concello de Silleda
--	---

Polo anteriormente exposto, a Xunta de Goberno Local, ao abeiro das atribucións delegadas polo Alcalde na resolución do 20 de xuño de 2019, **ACORDA:**

PRIMEIRO: Aprobar o Convenio de Colaboración entre o Concello de Silleda e a Fundación do Campo Galego para o ano 2023, cun importe de 12.000 euros, e que asinarán o alcalde, Manuel Cuiña, en representación do Concello, e o presidente da entidade Luis Seoane Labandeira, en representación da mesma.

SEGUNDO: Dar conta do presente convenio ao departamento de Intervención.

Expediente 1150/2019. Licenza ou Autorización Urbanística. Devolución ICIO/ taxa de primeira utilización

Favorable

Tipo de votación: Unanimidade/Asentimento

Visto que, pola Xunta de Goberno Local, en sesión celebrada o 17 de setembro de 2019 acordouse CONCEDER, salvo o dereito de propiedade e sen prexuízo de terceiros, licenza municipal de obra maior a MARIA LILIA TARRIO NOYA para ampliación de explotación porcina para cebo, no lugar de Bazar, parroquia de Abades (Silleda), parcela con referencia catastral 36052F501000760000P, así como a seguinte liquidación do Imposto de Construcións Instalacións e Obras (ICIO) e taxas.

a) Liquidación da taxa polo outorgamento de licenza urbanística:

Base imponible €	Base liquidable €	Tipo gravame	Débeda tribut. €	Pagado €	Débeda. pte. €



60,00	60,00		60,00	0,00	60,00
-------	-------	--	-------	------	-------

b) Liquidación do ICIO:

Base imponible €	Base liquidable €	Tipo gravame	Débeda tribut.€	Pagado €	Débeda. pte. €
239.178,58	239.178,58	2,25 %	5.381,52	0,00	5381,52

Visto que, pola Xunta de Goberno Local, en sesión celebrada o 10 de febreiro de 2022 acordouse conceder a María Lilia Tarrío Noya, con DNI número *****2565****, LICENZA DE PRIMEIRA UTILIZACIÓN, para a ampliación da explotación porcina sometida a avaliación de incidencia ambiental (expediente PO/2019/049), situada lugar de Bazar, parroquia de Abades (Silleda), con Referencia Catastral 36052F501000760000PR, unha vez comprobado que as obras se axustan ao proxecto obxecto da licenza urbanística concedida en data 17/11/2019 por acordo da Xunta de Goberno Local, en base ao proxecto elaborado polo enxeñeiro técnico agrícola Felipe Calvo Rodríguez, así como aprobar a liquidación da taxa por outorgamento da licenza de primeira ocupación de edificios por importe de 246,00 euros.

Visto o escrito da solicitante de data 14 de febreiro de 2023, rexistro de entrada 2023-E-RE-181, asinado pola promotora do expediente no que expón o seguinte:

“LIQUIDACIÓN LICENZA OBRA

Na comunicación de concesión Liquidación do Imposto de Construcción Instalacións e Obras (ICIO) e taxas tomase como P.E.M. o total do presuposto 239.178'58 € cando en realidade o P.E.M. (tal e como aprace no Anexo de Presuposto Modificado achegado ó expediente o 23 de outubro de 2019) é de 166.107'77.

A interesada fixo un abono de 5.321'52 € cando en realidade o pago a realizar en base o P.E.M. real sería de 3.797'42 €. Por ese motivo solicito a devolución da diferenza 1.584'10 €.

LIQUIDACIÓN LICENZA PRIMEIRA OCUPACIÓN

Con data 10 de febreiro de 2022 notifícaseme a APROBACIÓN de LICENZA DE PRIMEIRA OCUPACIÓN requeriñome unha taxa por outorgamento da licenza de primeira ocupación de edificios por importe de 246,00 euros.”

Visto que consta no expediente “Proxecto modificado e final de obra visado” asinado por David Cerdeira Canicoba (visado nº 14469), presentado con rexistro de entrada 2021-E-RE-1392 de 9 de decembro de 2021, no que se sinala un orzamento de execución material de 166.107,77 € (páxina 62). Incorpora liquidación final por importe de 166.107,77 €.

Visto o informe emitido polo Arquitecto Técnico Municipal, de data 12 de abril de 2023, no que se sinala:

“5 Segundo o sinalado nos antecedentes deste informe técnico e a documentación que consta no expediente procédese ao cálculo da taxa do ICIO segundo o valor da certificación final sinalada no punto 2, que non difire da do proxecto:

Taxas

PEM



ICIO	2,25% de	166.107,77 €	3.737,42 €
Informe técnico			<u>60,00 €</u>
			TAXA: 3.797,42 €

5.1. Faise constar que con respecto ao sinalado pola dicente, o que ela ingresou foron 5.321,52 €

6 Canto á liquidación pola primeira utilización consideramos inexacta tanto a efectuada por este Concello coma a da dicente, ao entendermos neste último caso que o termo que se emprega na ordenanza "Por cada 200 m2 ou fracción: 12,00 €" supón matematicamente un redondeo á cifra enteira superior despois de dividir entre 200, é dicir, para a superficie construída de 866,72 (segundo o Proxecto modificado e final de obra visado, presentado con Rexistro de entrada 2021-E-RE-1391 de 9/12/2021, e non 871,51 m2 como sinala a promotora), dividindo entre 200, temos un valor de 4,5, como sinala a dicente, pero a fracción (0,5) supón outros 12,00 €, criterio mantido neste Servizo desde moito tempo, polo que o valor final da liquidación é de 60 €, máis os 90 € da cota fixa, que non se discute. Total: 150,00 €.

7 En resumo, o resumo das taxas pagadas e calculadas neste informe é o seguinte:

	Pagado	Liquidación	Diferencia
ICIO	5.321,52 €	3.797,42 €	-1.524,10 €
Primeira utilización	246,00 €	150,00 €	<u>-96,00 €</u>
			-1.620,10 € A devolver polo Concello

En conclusión, a liquidación definitiva do ICIO conforme ao artigo 103.1 do TRLRHL e conforme ao sinalado no punto 7 deste informe técnico proponse, salvo erro ou omisión e previos os trámites oportunos, a devolución de 1.620,10 € a favor da solicitante."

Polo anteriormente exposto, a Xunta de Goberno Local, ao abeiro das atribucións delegadas polo Alcalde na resolución do 20 de xuño de 2019, **ACORDA**:

Primeiro.- Proceder a devolución da cantidade de 1.620,10 € correspondentes o Impostos de construcións, instalacións e obras (1.524,10 €) e da taxa de primeira utilización (96,00 €).

Segundo.- Notificar o presente acordo ao interesado e a Intervención Municipal.

FOD - Expediente 713/2023. MELLORA DA MOVILIDADE PEATONAL E REXENERACIÓN URBANA DA AV. RECINTO FERIAL E DA R. ARTURO PÉREZ LÁZARA

Favorable

Tipo de votación: Unanimidade/Asentimento

Inclusión por urxencia Expediente 713/2023

Toma a palabra o Sr. Presidente, para explicar a urxencia da proposición incluída na orde do día da presente Xunta de Goberno Local.

De conformidade co disposto no artigo 91.4 do RD 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais,



sométese a votación a urxencia da inclusión na orde do día do presente asunto co seguinte resultado:

Votos a favor: unanimidade

A Xunta de Goberno Local, por unanimidade dos membros presentes, ACORDA prestar aprobación a inclusión da presente proposición na orde do día da Xunta de Goberno de data 20 de abril de 2023.

Vistas as “BASES REGULADORAS E CONVOCATORIA DO PROGRAMA PROVINCIAL DE INFRAESTRUTURAS E DOTACIÓN SINGULARES PARA A EXECUCIÓN DA AXENDA 2030-PROGRAMA PON2030”.

Visto o proxecto presentado por D. Román Gómez Fraiz, con D.N.I. número 44.841.697-T, en representación da empresa Consultoría y Diseño de Infraestructuras Civiles, S.L. -CODINCI Ingeniería Municipal, nomeado “MELLORA DA MOVILIDADE PEATONAL E REXENERACIÓN URBANA DA AV. RECINTO FERIAL E DA R. ARTURO PÉREZ LÁZARA”.

Visto que o presuposto base da licitación sería de 893.189,62 €, a Disposición Adicional 2ª da Lei 9/2017, de 8 de novembro, de Contratos do Sector Público (LCSP) atribúe ó Alcalde da Corporación a competencia como órgano de contratación respecto dos contratos cando o seu importe non supere o 10 % dos recursos ordinarios do orzamento nin, en calquera caso, os seis millóns de euros, e nos supostos de contratos plurianuais de duración inferior a catro anualidades cando o importe acumulado de tódalas súas anualidades non supere a porcentaxe indicada, referida ós recursos ordinarios do orzamento do primeiro exercicio, correspondendo nos demais supostos a competencia ó Pleno da Corporación.

O órgano de contratación será o que adxudique o correspondente contrato administrativo e, en consecuencia, ostenta as prerrogativas de interpretalo, resolver as dúbidas que ofrezca a súa execución, modificalo e acordar a súa resolución, con suxeición á normativa aplicable.

Por contía do proxecto esta competencia lle correspondería ao Pleno do Concello de Silleda, que ten delegada dita competencia a favor da Xunta de Goberno Local, que será quen tome as decisións relativas ó presente contrato.

Visto que o artigo 113.1.e) do Real Decreto 2568/1986, de 28 de novembro, polo que se aproba o Regulamento de Organización, Funcionamento e Réximen Xurídico das Entidades Locais, recolle que nos casos en que a Xunta de Goberno exerza competencias delegadas polo Pleno, será preceptivo o previo informe da Comisión Informativa correspondente, non obstante o artigo 123 do mesmo texto legal establece que as Comisións Informativas, integradas exclusivamente por membros da Corporación, son órganos sin atribucións resolutorias que teñen por función o estudo, informe ou consulta dos asuntos que deban ser sometidos á decisión do Pleno e da Xunta de Goberno cando esta actúe con competencias delegadas polo Pleno, salvo cando teñan que adoptarse acordos declarados urxentes, como é o asunto que nos ocupa.

Polo anteriormente exposto, a Xunta de Goberno Local, ao abeiro das atribucións delegadas polo Alcalde na resolución do 20 de xuño de 2019, **ACORDA**:

PRIMEIRO.- Declarar a urxencia do acordo a adoptar.

SEGUNDO.- Aprobar, tan só ós efectos da solicitude da subvención, o proxecto “MELLORA DA



MOVILIDADE PEATONAL E REXENERACIÓN URBANA DA AV. RECINTO FERIAL E DA R. ARTURO PÉREZ LÁZARA", presentado por D. Román Gómez Fraiz.

TERCEIRO.- levar a cabo os trámites necesarios para solicitar a subvención ao abeiro das bases "BASES REGULADORAS E CONVOCATORIA DO PROGRAMA PROVINCIAL DE INFRAESTRUTURAS E DOTACIÓNS SINGULARES PARA A EXECUCIÓN DA AXENDA 2030-PROGRAMA PON2030", no senso de solicitar a referida subvención polo 85% do orzamento (actuación tipo 3 das bases reguladoras) para a actuación denominada MELLORA DA MOVILIDADE PEATONAL E REXENERACIÓN URBANA DA AV. RECINTO FERIAL E DA R. ARTURO PÉREZ LÁZARA, cuxo orzamento é de 893.189,62 €.

CUARTO.- dar conta do acordado na próxima sesión que se celebre das Comisións Informativas e do Pleno.

FOD - Expediente 531/2023. Devolución de aval.

Favorable

Tipo de votación: Unanimidade/Asentimento

Inclusión por urxencia Expediente 531/2023

Toma a palabra o Sr. Presidente, para explicar a urxencia da proposición incluída na orde do día da presente Xunta de Goberno Local.

De conformidade co disposto no artigo 91.4 do RD 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, sométese a votación a urxencia da inclusión na orde do día do presente asunto co seguinte resultado:

Votos a favor: unanimidade

A Xunta de Goberno Local, por unanimidade dos membros presentes, ACORDA prestar aprobación a inclusión da presente proposición na orde do día da Xunta de Goberno de data 20 de abril de 2023.

Visto, o escrito de rexistro de entrada número 2023-E-RE-298 de data 16 de marzo de 2023 onde a empresa STGWOOD, S.L. solicita: Autorización de uso de vías para transporte de madeira.

Visto, o escrito de rexistro de entrada número 2023-E-RE-304 de data 16 de marzo de 2023 da antedita empresa onde comunica o depósito do aval.

Visto o escrito de rexistro de entrada número 2023-E-RE-395 de data 10 de abril de 2023 no que solicita a devolución do aval.

Visto o informe da Policía Local con núm. de referencia 104/2023 de data 13 de abril de 2023, no que se achega un informe fotográfico no que se pode observar o estado actual das vías municipais.

Polo anteriormente exposto, a Xunta de Goberno Local, ao abeiro das atribucións delegadas polo Alcalde na resolución do 20 de xuño de 2019, **ACORDA:**



1º.- Devolver o aval de 500€ a empresa STGWOOD, S.L. de acordo co establecido no artigo 6.6 da ORDENANZA MUNICIPAL PARA APROTECCIÓN E CONSERVACIÓN DOS CAMIÑOS E VÍAS PÚBLICAS MUNICIPAIS EN RELACIÓN COAS OPERACIÓNS DE SACA DE MADEIRA.

B) ACTIVIDADE DE CONTROL

Non hai asuntos

C) ROGOS E PREGUNTAS

Non hai asuntos

DOCUMENTO ASINADO ELECTRÓNICAMENTE

